

نور حجازى

حبة مشاعر

أشعار بالعامية المصرية

الطبعة الأولى سبتمبر 2020



نور حجازى

بطاقة الكتاب

حبة مشاعر	عنوان المؤلف
نور حجازى	المؤلف
أشعار بالعامية المصرية	التصنيف
15282 - 2020	رقم الإيداع القانونى
978-977-6835-18-4	الترقيم الدولى
647 الطبعة الأولى سبتمبر 2020	رقم الإصدار الداخلى
100 صفحة	عدد الصفحات
الفنائة التشكيلية وفاء محمد	لوحة الغلاف

جميع حقوق الطبع والنشر محفوظة للمؤلف، ولا يحق لأى دارنشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النيل والفرات nagyegy200064@gmail.com

alnilwaalfourat@gmail.com

(القرن الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الد3 - قنار 304

الإهداء

أحمد الله على ما أعطاني من جمال المشاعر والكلمات
وأودين لتلك القلوب التي ضخت في قلبي أجمل
حروف من نور

نور حجازي

مشاعر ورد

أنا عايزه قلبه .. يحبني بقوه
أسكن مشاعر قلبه .. من جوه
أنا عايزه قلبك
يعشق مشاعري بجد
لحظة ماتحضني
مشاعري تطرح ورد
أنا حسه بقلبي وحداني
حاسس برعشه وبرد
فين قلبك الدافي
مابين إيديك أنت
قلبي بيتعافي

لقیت أعدار

خلاص یاحبیبی لقیة أعدار

بقیت تهرب وتدارى

عن الأنظار

وتهرب منى واندهلك

متسمعیش

متهربشی....

وتجرحنى ...

ومتبعنیش.....

مافیش حب بالإجبار

ومتخافشى

ح عمى عیونى

متشوفشى عذاب قلبى

ودى رموشى جنود حارسها لیل ونهار

ومش هجرى حبیبى علیك

واطلب حزنك الغدار

یادابح قلبى باستمرار

دانا ياما برن عليك
مبتردش
ولما اسأل تقول يا حبيبتي
مسمعتش...
طب اعمل ايه
متعلمشي...
امسح م الفؤاد أسمى
واقتل روعي من جسمي
واقطع م الحيطان صورتي
وامحي كل أشعاري ... وزيد ناري
هنيالك....
ياقاتل قلبي بغيابك
ارحم قلبي من حبك
معدبني خلاص بعدك
احفر مدفني جواك
تابوت قلبك على قدي
ومين قدك قادر بس يقتلني
فاكر لما كان قلبك بيحضني
تقولي قلبي دا بيتك
وحضنك دار

أنا آسفه...

واضح اني مش فاهمه
وقلبي فى حبه كان أعمى
اعتبك ليه مافيش اسباب
تجبر قلبك الكداب

على حبي

مافيش رغبه

يعشق قلبك ف الهوا قلبي
ياقلب خالي م الاحساس
حقيقى بجد انا اسفه

عيش يومك

ودوس ع اللي كان سهران

يعد ف السما نجومك

وتنزف عيني فى غيابك

دموع انهار

خلاص ارتاح

وعيش الباقي من عمرك

وانا ياعمري مش وياك

ومدفونه وانا عايشه

جوه قلبك الكداب

واحشني تفاصيلنا

واحشني تفاصيلنا

وكل شيء بينا

وكلامنا ف البدايات

واحشني بين إيديك

قلبي يقول سلامات

واحشني أقول الأواه

قلبك يقولي فداه

وحشني أشكيلك

ودموعي تلمسها

وأحشها زي زمان

إيديك تونسها

من غير وداع

ودعتني من غير وداع
ومشيت خلاص
من غير سلام
ورميت مشاعري
تحت أقدامك كمان
خليك بعيد
واصلب ف قلبي وقيدو
بجنزير حديد
عذب ف قلبي واجلده
ودوس عليه
ماانا قلبي كان
سيجاره ولعه بين إيديك
سحبت روحها منها
وتحت قدمك كنت انا

هلكتني .. وجرحت قلبي وسيبتني
عريت مشاعري قصاد عنيك
أزاي أنا وكل اللي فيا هان عليك
دبحت قلبي بالقوي
كنت القوي
على قلب حبك بالقوي
ليه افتريت
دانا حبي كان دنيا وبيت
كنت الدوا وقت الوجع
والحزن لو قرب عليك
كنت احضنك
وافديك واكون الفرح لك
خلاص نسيت
وكسرت قلب كان حنانه كله ليك
حرام عليك
دموعي نازله تكوي جرحي اللي بأيديك
خليك بعيد
أنا مش هلومك ولاهاتحايل عليك
تفضل معايا تحبني
الحب مش إجبار يامان

فاكر زمان
لما شفافي كات بتختم فوق إيديك
كانت عنيك بتهزني
وتقول لعيني ع الغرام اللي بعنيك
وتدوب مشاعري بين إيديك
معقوله حبك كان كلام
كذب وخيانه وانتقام
حبك كما الطفل السفاح
حبك ف قلبي كان حرام
طب ليه رويت وردي إالي فتح
بين إيديك
طب ليه مشيت
وسبت ورد القلب جف
الورد من بعدك دبلان وهش
ماصعبش وردك ليه عليك
كان كل حبك ليا غش
قلبك خلاص ف عيوني مات
وانا قلبي لسه النبض فيه
لكنه ميت بالحيا لو حتى عاش

غور بقلبك

غور بقلبك....

ياللي باني بينا سور
مش هاقرب تاني منك
ياما شفت نعيم في قربي
شفت بدال العتمه نور
خدت إيه أنا بس منك
كل أرضك زرعه بور
طرحه مر

صبر حنضل
حتى وردك كله شوك
ليه بتكذب... ؟
كنت يوم نفسك تقرب
واما قلبي مال وحبك
ملّ قلبك

حب يبعد
كنت عايز بس تلعب
كنت عامل فيها شاعر...
ياللي غاوى بس تلعب بالمشاعر
غور وابعد عن حياتي
سيبلي دمعي يسقي وردى
جف وردى من بعادك
بس قلبي لسه فارس فوق حصانه
خطى أحزانه وآلامه
حب جرحه تحت سرجه
مش هايضعف يوم ويرجع
ولايبكي يوم عشانك
غور بقلبك....
قاسى مادقتش حنانه
مهما تعمل....
مش هيرجع قلبي تانى
للي جرحه
واللي هانه
غور بقلبك.....
قلبي شالك من مكانه

اشتقت لك

اشتقت لك
وحشتني
غمضت عيني
شوفت طيفك
ضمني
أنا قولت مالك؟
قالى بعدك هزني
أنا دمعي سال من عيوني
قطرات ندا
الورد فتح فوق خدودك
وأرتوى
أخذني شوقك شدي
أنا قلبي سابني
وجوه حضنك
أترمي

ماوحشتنيش

ماوحشتنيش
أنا والله ف غيابك مش قادره أعيش
ماوحشتنيش
أنا جوه مني نار لشوق مابتتطفيش
ماوحشتنيش
أنا قلبي لسه بيندهك
ويحن لك
والله أنا بكذب عليك
وواحشني مووووت
وأنا بين إيديك بشتاق اليك
مجنون أنا إحساسي بيك
كرهاك ساعات...
وساعات...
أنا عاشقه فيك كل الحاجات
يادموعي نازله بتبكي ليه؟

يادمعي ليه صوتك حزين؟!
لما تغيب
الدمع ينزل ع الخدود
يسأل عليك
دي سمايا خاليه م النجوم
حتى القمر قاعد حزين
مداري حزنه ودمعته خلف الغيوم
شاييل هموم
حالف ما يطلع إلا ليك
أخذت كل شئ معاك
وماسبتليش غير الوجع
وكام سؤال؟؟
أنا قلبى لسه بيعشقتك؟
طب لما انام
هيزورنى طيفك ف المنام؟
وعيونى صورتك لسه فيها؟
أستنى لما أسأل مرיתי
يمكن تقولي ع الحقيقه
عيونى فيك من حبها بتغير عليك
انا خايفه صورتك تختفى

و عني داريها
طب أعمل ايه...؟
قلبي وعينه بيعشقوك
لو ساكنه صورتك
في العيون
هجرى عليك..
دا الشوق ماليها
طب هات إيديك
والمس بأيدك نبضى فيك
بيقولك انت وحشتني
دانا قلبي ورده وفتحت
ما بين ايديك
بهديها لك
انا كنت ديما بخدعك
واكذب عليك
ماوحشتنيش
و بلقى روعي بتندهك
تقولك انت وحشتني
وحياة عينيك

مش حاسسني

جنب مني ومش حاسسني
حتى حزنك مش لامسني
روحي مش حسها فيا
وجعي أيوه كتير عليه
دمعي غرق آاه عليه
قولي ليه قربت مني م البدايه
ليه تاعبني وقولي إيه أخرك معايا
ليه ساجني جوه حزنك
نفسى أسكن جوه حزنك
آاه ياعمري
كل عمري ضاع ف حزنك
جنب منك ...
والفراق ديماً حاضني
ليه ملامحك شاردہ عني
حتى روحك تايها مني

مش شايفني
مش باصلي
إيه ناقصني
لجل مابقى حته منك
روح بتسكن جوه حضنك
نفسى احس بقربي منك
يعني لو عنك راح ابعده
تلقى شيء مدبوح ف صدرك
تلقى شيء في الدنيا ناقصك
ليه مشاعرك مش معايا
إيه اللي شاغل بس بالك
خايفه سيء الظن فيك
قولي إيه بس اللي بيك
جنبي ليه وحسناك بعيد
دي سيجاره اللي ف إيديك
لمسه كل حاجه فيك
مشتهيها
بين شفابك
حاضنه أنفاسك وريقتك
جوه دمك وف وريديك

أما انا ... جنبك وحيدہ
طب ساوینی مرہ بیہا
خدنی بین ایدک سیجارہ
تبقى نارها حاضنه نارك
أيوه غيرہ
وحسہ بیہا م السیجارہ
حسہ عشقک بس لیہا
لو ہایفضل حضنی منک
لسہ فاضی
أطفي روعي
ودوس علیہا
زي مابتطفي السیجارہ
موت العمر اللی باقی
من حیاتی
وباقی عمرک
عیشو لیہا

رجعني إليك

رجعني إليك
محتاجه يابويا لأحضاتك
محتاجه إيديك
واسند أوجاعي وروحي عليك
من يوم مابعدت
وفتحتلي بيت
وانا يابا ف بُعدك يوم مافرحت
رجعني لحضنك من تاني
لدولابى وبيتي ومكاني
وصندوقى المليان بالذكرى
وبطيبة قلبي الوحشاني
وبفرحة قلبي بيوم العيد
وبشمس وصبح جميل وجديد
وبدخلت رجلك لمكاني
ومعاك أدواتي وفستاني

وبلمسه منك ترعاني
وبوسه على أيديك
من يوم مافارقتك واتمنيت
ببقالي حلم ودنيا وبيت
ملقتش في حضنه غير أوجاع
وأحلم .. والحلم يضيع وياه
والدمع مصاحب لعيوني
والحزن بيسكن ف ضلوعي
رجعني لحضنك يابا قوام
وانا هعمل كل شيء يرضيك
لا هقولك ليه ولا فين وازاي
راح أسكت خالص ف حضورك
وهاتسمع صوتي كصوت الناي
وهاطيعك من غير ماتكلم
رجعني لحضنك يابا قوام
رجعني لحضنك وحنانك
أنا مش برتاح غير وسطيكم
بيتنا المترين بعنيكم
وحشاني سنيني وأيامي
وحنان من قلبك رباني

وحشاني عروستي وطقم الشاي
وصحابي وأهلي وجيراني
مش عايزه حياه كده مبتوره
أنا روعي مابينكم مستوره
الدنيا من غيرك يابا
عايشاها وروحي مكسوره
أنا كنت بشوف الناس بعنيك
الله يرضى ياأبويا عليك
من بعدك كل الناس مش ناس
تعايين ووحوش
وقلوب قاسيه من غير احساس
بالله عليك رجعني معاك
وهايوس أعتاب وحنان البيت
مش عايزه أعيش غير ف زماني
لادموع ولاناس مشاعرهم قاسيه وجرحاني
ولا دنيا بتدبح طيبة القلب
وتعلي ف ناس بتبيع الخلق
خليني معاك
وحشاني أوي دنيتي وياك

وحشت قلبی

وحشت قلبی وبشده
وحشت عیونی لو عامیین
وحشت الروح
وروحی معاک
وآاه منک
ملکنی وانت عنی بعید
وأغرب شیء
وانا جنبک
بحس بقلبی مشتاقک
یاریت جوه الضلوع قلبین
عشان یکفی غرام قلبک

أحضانك زور

أحضانك زور
ولا حزن عنيك كان بيسعني
ولا حزن قلبك شبعني
طب أقرب ليه .. حزنك دبلان
ومشاعرك جافه بتوجعني

احتويني

أحتويني بين إيديك
سد جوعي من حنانك
أحتويني بين ضلوعك .. مشتقالك
دانت قلبي وفرض عين
أنا روح بسكن كيانك .. وانت بيت
أنت دنيا بشتهيها
دنيا حلوه عايشه بيها
لما عني تغيب وتبعد
بلقى قلبي جوه مني حثيتين

هُنْتُ وَهَانَ

هُنْتُ وَهَانَ
لِيهِ الْحُبُّ مَا بَيْنَنَا أَتَهَانَ
حَتَّى مَشَاعِرِي الْحُلُوهُ أَتَهَانَتْ
طَبَّ لِيهِ بَعَثَ الْقَلْبُ الشَّارِي
كُنْتُ بِفِكْرٍ فِيكَ وَمَادَارِي
عَمْرِي مَا كُنْتُ بِخَبِيٍّ عَلَيْكَ
دَمْعِي وَذَلَّلِي وَحَيْرَتِي وَنَارِي
كُلُّ مَشَاعِرِي كَانَتْ لِيكَ
يَا مَا حَاوَلْتُ بِرُوحِي أَرْضِيكَ
كُنْتُ بِخَافٍ يَا حَبِيبِي عَلَيْكَ
لِيهِ مَا طَمَّرَشَ الطَّيِّبُ فِيكَ
قَلْبُكَ لِيهِ كَانَ دِيمًا قَاسِي
عَشْتُ مَعَاكَ فِي الدُّنْيَا بِأَسِي
وَإِتْحَمَلْتُ .. كُلَّ مَتَأْسَى
كُنْتُ بِغَمُضٍ عَيْنِي وَأَنْسَى
عَلْشَانَ قَلْبِي مَا يُقْسَى عَلَيْكَ

يمكن يوم قلبك يرعاني
ولا يحن عليا ياسي .. أيوه تعبت
حُبك ليه مش قد مقاسي
ليه القسوه بتملئ عنيك
قلبي كان بيحن عليك
عمره ما باعك
ولا مره كان ياسي عليك
ولا فكر أبداً في خداعك
كان ف أيديك كما طفل بريء
يفرح لما تحن عليه
كنت بطير من كلمه تقولها
أاه م القسوه
طفله وتاهت وسط العتمه
أاه من قلبي المليان رغبه
أاه من دمعي وحضني الفاضي
مين راح يمحي كل أهاتي
ولا ينور حضني العتمه
قلبك خالي من الحنيه
ليه كان ديماً قاسي عليا
مهما بحايل فيك وارضيك

مش بيأثر أبداً فيك
هان الود وحُبي عليك
زي ماهانت كل مشاعري
بكتب واوصف بحروف شعري ديماً فيك
لكن أفعالك قتلاني
بتدفن روحي وكل حناني
مابقاش حرف يبطلع مني
غير ودموعي مصحباني
قولي أنا فين
اوع تقول ف شمالك لسه
أنا مش شايفه مشاعرك ليا
إللي بيأسى
عمر الحب مايملى عنيه
قلبي خلاص م الحُب استكفى
شبعتم النار والقسوه
وزي ماهان يا حبيبي عليك
مبقاش لك ف القلب مكان
قلبي خلاص ملهوش عنوان
علشان ترجع له من تاني
يحن عليك

ماتسبنيش

ماتسبنيش
قولي ازاي من بَعْدك أَعيش
لو بتحب حقيقي بقلبك
ماتسبنيش
دانا فتحت عيوني عليك
كل مشاعري الحلوه اتولدت
جوه عنيك
أوعى تفارق
ليه بتقول إنك مش فارق
دانا أيامي واقفه عليك
مش بتحمل بَعْدك عني
ولا بتحمل تزعل مني
خليك جنبي وماتسبنيش
أوعى تصدق
تحت ظروف ممكن نتفرق
أنا وياك ف النار راح اعيش

ماتسبنيش
ليه ضعيت الحب بأيديك
دانا حبيتك
ليه هديت أحلامنا بأيديك
كنت حياتي وكنت بريدك
ليه قدامهم كنت ضعف
ليه تهزيت
بتحداك لو يوم تنساني
أو أنساك
أنت بتسكن جوه كياني
دم وماشي ف الشريان
صعب انساك
قادر تتحمل لغيابي ؟
أنا في غيابك متحملتش
يمكن بحيا
بس معاك أنا لسه ماعشتش
عايشه ف وسط الناس دي غريبه
أيوه لقلبه أحلى حبيبه
بس مشاعري أاه رفضاه
بحضن شوك وبعيش وياه

أصل الوردہ اللی انت طفیتها
مابتحیاش غیر بس معاک
رجع حضن الوردہ لإیدک
أنت نداها وهي عبیرک
أنا رجعالک
روحي عایزه تودع روحک
هابقى سعیده
إن انا عمري هنا بین إیدک
بتودعهم
لحظة عینی ماتیجی ف عینک
وترجعهم للی خالقهم
كنت لقلبی أحلی بدایه
كنت لعمري وروحي نهایه
وبودعهم وانت معایا
ودمعی ودمعک أأاه شھدین

غصب عني

غصب عني مش بخاطري
قلبي أعمى ولسه عاشق يتسند
على كتف مال
دانا قلبى لسه حالته حال
أنا قلبى عاجز لسه محتاج للسند
انا عاشقه قلب مش بيحب وروحه فيا
غصب عني روعي لسه محتاجاله
كلمه منه بيبقى حالة قلبى حاله
العشق من غير اهتمام
بتزيد في قلبى النار إليه
مش عارفه أقتل عشقه فيا
أنا عايشه ف حُبه وضحيه
قلبي ماليش إراده فيه
ولا قادره أحكم يوم عليه
مستسلمه ومستلمه أنا أمري ليه
راضيه بنظره من عنيه

أو كلمه منه يقولها ليا
بافرح قوووي .. لو قالي مره بوحشه
أنا قلبي دايب أيوه فيه
ومتعشمه يوم يعشقه
وإن الغرام راح يملئ قلبه
ويحبني اكثر ما احبه
هيلاقي زي حناني فين
دانا جوه مني حنان بيكفي الكون دا كله
ألمس إيديا وحسها
هاتشوف مشاعري كلها .. طب شوف كدا
صورتك في عيني حضنتها
قرب كمان واقطف ورودك م الخدود
ورد الخدود فتح وزاد جماله بيك
أنا وردي أصله بيعشقتك
لحظة ما إيديك تلمسه
ويحس بالنبض اللي فيك
قلبك بخيل ف العشق ليه؟!
الله كريم
راح يجي يوم وأشوف هوايا مغرقتك
ومارجعتك .. لحنان ماتقدر يوم عليه

غلبتني

غلبتني
بتحبنى طب قد ايه
مش حسه ليه حبك بيعلى نحيتي
محتاجه احس بصدق قلبك والوفا
قلبك هواه ما حستوش
نوري ف عنيك ليه اختلفي
بتحبنى
طب ليه بتقدر ع الغياب
وتشوف دموعي
مطره ونازله من السحاب
والقلب موجدع من مشاعر ميته
قلبك دا ايه
من طين ومي
ولا حجر مش قلب حي
أنا نفسي احس جوه قلبك بالحنان
نفسى حقيقي اصدقك

وتكون مشاعرك من ذهب
إياك تكون معدن رخيص
لكل واحده بتنجذب
أنا قلبي بس ياروحي ليك
مشاعري صادق
وقلبي بعمره أواه شاريك
خد عهد يوفي طول حياته وعمره ليك
مهما بأفعالك هلك
قرب وشوف صورتك بتسكن ف العيون
وقلبي هو مخدعك
أنا قلبي ليه بيحن لك
ومشاعري ليه بتزيد وتعلّى نحييتك
مع إن حُبك حسه ليه ديماً ضعيف
محتاج يزيد وأحس صدق محبتك
بتحبنى .. رد بعنيك .. والله أيوه هاصدقك
أنا شايفه لامعه حلوه طله من عينيك
ونبض قلبك حاسه صوته بيعلى فيك
بتحبنى .. طب قولها بالهمس الجميل
واسقى بنداك وردي اللي جف
أنا بس بحلو بعنيك

وبقربك انت وجعي خف
وبحس روعي تاني رجعت للحياه
اخلص لقلبي وأوفي ليه
بلاش يحس إنك غريب
أنا روعي دايبه وبعشقتك
طفله أنا .. محتاجه من قلبك حنان
زود مشاعرك .. ودها
أسكنها واملك قلبها
أحسن تتوه جوه الوجع
وقلبها يآسى عليك
إياك في حُبك أتخدع
اسقي مشاعري بالوفا
عشان أعيش العمر لك
أنا قلبي ورده بين إيديك
حس بعبيرها ف الضلوع واتنفسو
قرب كمان
حس بحنان قلبي عليك واتعودو
هيزيد في قلبك لشتياق
والبُعد بينا بكل قوه هاتقتله

خدني معاك

خدني معاك

وحشه اوي دنيتي من غيرك
طب مين غيرك يسكن حضني اللي بيهواك
اوع تغيب بعيونك عني
مين هينور نور غير انت
أنا من غير عينك مطفيه
دمعي بيسكن جوه عنيه
مش بفرح غير وانا وياك
كل مافيا بيتمناك
أنا والله بروحي عشقتك
ساكن قلبي ونبضك فيا
أنفاسك عطر وبهواه
قرب مني... قولي حقيقي
قلبك أنت بجد عشقتني
وقلبك عايز يسكن قلبي .. إياك تسكت
قول لمشاعري أحلى كلام

تبقى ظالمني لو هاتسيب قلبي بيالمني
محتاج لمشاعرك تتكلم
أصلك لما بتبعد عني
روحي من بُعدك بتسبني
لكن لما بفكر فيك
واسرح في جمالك وعنيك بسمع همسك
بيصبرني ياروحي عليك
واتحمل بُعدك وأسوتك
أاه لو نبقي اتنين دايبين
زي السكر جوه الشاي
ولا الصوت خارج م الناي
خط ف كفك ... أبقى ملامحك
عايزه أكون أنا كل مافيك
بيا وبس بتحيا مشاعرك وابقى حروفك
إلي بتلمس بس شفايفك
عشقي لقلبك جنه بعيشها
أدخل جنة قلبي وعيشها
وهادفيك بحناني ف بردك
عشقي لقلبك عشق جديد
أحلى جنه بعيشها ف قربك

موجوعه بجد

سامعين صدى صوت كل أهاتي
سامعين الآاه .. بتقطع فيا وباداريها
مش عايزه يوم أصعب على حد
موجوعه بجد
محتاجه مشاعره وحضنه بجد
أنا أصلى وحيدده وملييش حد
وبخاف م البعد وبخاف م البرد
يحضن قلبي
ومشاعري له تتحول تلج
ليه نزله يادمعه فوق الخد
شايفه المناديل كم مايتعد
شايفه أهاتي صوتها بياتي
ولا عزف الناي
والعزف حزين على دقاتي
ياعيوني داري ف أحزانك
لو تاه ماهو عارف عنوانك

وإن زاد شوقه
قلبه راح يرجع لمكانك
دا حناتك له عمره ماينساه
وإن زاد ف أساه
هاتدور ليام وهايرجع تاتي لأحضاتك
شاف فين طيب زي حناتك
ياما كانت عيني بتحضن فيه
وقلبه الصاحي ماينام لياليه
والنار كانت بتشعل فيه
ولايهدي غير بين أحضاتك
إخفي ياعيووني دمو عك دوول
بكره يرجعك ويجيبك
وقلبه من شوقه يغيبك
مانتي ياعيووني خلاص عرفاه
عاشق لحناتك وغرامك
والشوق حراق
ياعيوني بلاش كده تبكي
دا بكاي مقطع مناديلي
وحبيب القلب اللي كاويني
كداب بيقول لساه مشتاق

استسلمت

استسلمت
يعني خلاص
قلبك سلم وعني بعدت
وكل كلامهم أثر فيك
حتي ملامهم غمى عنيك
ليه سلمت وسامع ليهم
دايس ليه على قلبي بأيدك
بتموت أحساسك فيا؟؟
كل مشاعرك لسه معايا !!
وكل مشاعري لسه ف إيدك
دوس على قلبي بكل ما فيك
طب وريهم إنك قادر أااه ترضيهم
قرب بُعدك ... وابتعد قربك
مهما هاتعمل ولا تببع قلبي اللي شاريك
ولا هاتمشي خلف كلامهم
روحي وقلبي بيعشقو فيك

موت فيا

طب وريهم إيه يرضيهم
ريح بالهم ... واشفي غليلهم
خلي عيونهم تفرح بالقلب اللي أويك
وانت بتدبح فيه بأيديك
ورغم دا كله خايفه عليك
لو تلمحني عيونك يعني
وتشوف دمعي
يمكن يصعب قلبي عليك
وقلبك يبكي
مش هاتحمل
لحظه أشوف أنا دمعي أذيك
أصل أنا قلبي بينزف دم
قلبي شايف ظلم وهم
وبيتحمل
قلبي بعشقتك بس مكمل
مش هاتحمل أبداً أبداً
لحظه أشوفك بتروح مني
ولا هاتحمل تتألم على وجعي وحيرتي
عارفه بجد إننا عاشقني

مانت ياروحي الروح والقلب
يعني عشان عايز ترضيهم
تقتل روحي وقلبك ليهم
خسأت كل مساعي الحقد
اللي بتقتل كل مشاعر جوه القلب
لو قلبك مليون بالحب
سيب قلبك بالحب يحارب
كل سلاح ف الحرب مباح
دوس بالقوه حبيبي عليهم
لكن قلبك
واللي بتعشق كل مشاعرك
اوع تضحى أبداً بيهم
دول زادك ف الوقت الصعب
مسند قلبك لما تشيب
لو عاش قلبك من غير حب
قلبك حتماً هيموت فيك
مهما يكون القلب شباب
من غير حب
شباب القلب وعاش ف عذاب

لحظة ضعف

خايفه لايجي اليوم و تبغني
خايفه بجد
خايفه لقلبك يوم يخذاني
وتودعني ف لحظة ضعف
ولقاك فجأه بتبعد عني
ويهون دمعي
ويهون قلبي وكل مشاعري
عايزه أشوفك وقت الشده
سندي وضهر
خليك قوه ف وقت الضعف
وقت ما يضعف قلبي بقوه
ألقي مشاعرك بتزيد قوه
ومهما الدنيا هاتعمل فينا
ولا ظروف هتمر علينا
ونشوف صعب
نفرح ساعه

ونبكي ساعات
وتعمل فينا الدنيا حاجات
لكن قلبك
لو بيحب حقيقي بجد
راح يتحمل
وسط حطام الدنيا يكمل
قلبك دانه للي أذانا
وكل مشاعرك تصبح جيش
قادر يهزم كل عدو
دقات قلبك
دي جنود حره
دوس واستقوي
ع اللي يقرب
يقتل قلبك ويدوس فرحك
دانت الأقوى
إياك تضعف
دوس على ضعفك
حبي ف قلبك قوات داعمه
حب حقيقي أااه مش أعمى

خلف البيان

الوجع فوق لحتمال
ولا الدموع
شلال ونازل فوق جبال
بتفتت القلب اللي حبك بالقوي
لحبات رمال .. وبقسوتك دايس عليه
قلبي اللي شاف وياك ألم
ومشبعو دموع ندم
ومجوعوا من حبك الهش الضعيف
قلبي اللي عاش وياك خريف مجروح قوي
حاسس معاك بالأنهزام
وقت المحن بلقائك ضعيف
عمود ومبني خوص وقش
مانتش وتد واحد وهش
له ألف وش .. بتبان كأنك يوم أسد
والصوت يزلزل ف المكان

لكن ف لحظة ما انكسر .. بلقائك جبان
وبتختفي خلف البيبان
وامد إيدي المسك ألقاك بعيد
ماجننش منك غير ندم
طارحه مشاعرك ليهه عدم
يأول قلب له عشقت وعشق قلبك كان ضعيف
يأول قلب وانهزم وماكنش ابدأ يوم سند
خزلان وبحصده من إيديك
شبعنتي حرمان وجوع
حضني اللي فاضي من الحنان
مليان دموع .. مبتوره ليه حنيتك
دانا كل زرعي من الحنان سقيته لك
مابخلت ابدأ يوم عليك
كنت الإيدين اللي تداوي كل جرحك م الزمن
كنت المشاعر إللي تفيض ديماً عليك
وتغرقك حب وحنان .. مصدومه فيك
مقتول ياقلبي وبأيدين اللي امتلك الحلو فيك
كان نفسي اشوف قلبك جدع
شهم وجريئ وقت المحن وقت الصعاب
وردي اللي طارح ف الخريف

ما بلاش الزررن

ما بلاش الزررن
وبلاش الزرزن
أنا من قلبك ليه منسيه
جوه ف قلبك حاجه عاديه
ليه كنت زمان
لما أبعد عنك تتجن
والقلب يحن ويبات زعلان
قلبك دلوقتي بقى شبعان
ماانا شبعتك
من حب وعطف
وشوق وحنان
لكن قلبي لما يشتاق لعيونك آاه ويحن
تهرب مني ولابيه تهتم
طيب هاتشوف
دووق واعرف طعم مرار الشوق
راح أبعد عنك آاه دلوقت

ولما قلبك من وهمه يفوق
ويدوق النار ومرار البعد
بلغ قلبك اللي نساني
مش على كيفه آاه لما يرووق
يندهلي ويشتاق لحناني
أنا مش جاريه
أنا إنسانة لها قلب وروح
دانا ياما داويت للقلب جروح
لكن أنت بجد أناني
لما اشتاقك بلقى مشاعرك ليه نسياني
وتبيع قلبي
وتسيب جرحي بالشوق مفتوح
ودموعي بناها لك بتبوح
مش هااتحمل أنا أي جروح
زي ماقلبك شد رحاله
أنا قلبي كمان منك هايروح
إياك ترجع تاني بقلبك
وتقولي بجد إني بحبك
ماانت عارفني
بضعف قدامك ياظلمني

مش هااتحمل أنا كلمة شوق
ولاحتي عيونك لما تبوح
ولقائي ف حضنك هيمنه
والروح وياك تضعف وتروح
والقلب إليك تاني يسلم
واضعف قدامك واستسلم
أصل انا عارفك
قلبك ديماً بالشوق غلاب
ليه عاشق ديماً تتعبني
ويعيش قلبي وياك ف عذاب
دانا قلبي اتعود على نارك
وانا من خيبة قلبي وطيبته
عنك يا حبيبي ما بستغناش

أفكرني

أفكرني وانت راع وانت ساجد
وانت بتسبح وبتدعي ربك
أفكرني وانت ساكت
أفكرني وقت نومك وانت بتغير هدمك
أفكر نظرة عنيه وهي بتبكي وتشتكيك
أفكر لحظة سكوتي
وقلبي يصرخ بشوقه عايزك
أفكر دموع عنيه وهي بتحكيك وجعها
أفكر إني عشقتك وإن بعدك ولاهجرك
يساوي موتي
أفكر كل الحروف والمعاني الحلوه لك
وكل شعري اللي انكتبك
أفكرني وافكر إني مايوم أبداً نسيته
وإني بدعي ربي أكون بالقرب منك
أفكرني وقول لقلبك إنه لو فكر يسييني
يبقى يترحم عليه

اتحملت

اتحملت

رغم عذابك أأاه كملت
كنت بتجرح كل مشاعري
وتهين قلبي وحروف شعري
ورغم دا كله اتحملت
كنت بقرب رغم جروحي
تجرح فيا واقولك روي
وياما بدادي فيك وتعبت
لكن طبعك كان شيء صعب
كل وردي ف إيدك جفت
عمري جروحي مامنك خفت .. لأ بالعكس
يوم عن يوم الجرح بيكبر ويزيد أكثر
واتحملت
كنت ف ليلى بدعي وكبر وياما صبرت
وانت لسه بطبعك أسي ماتغيرت

قلبي خلاص مابقاش متحمل
قلبي معاك مش راضي يكمل
أيوووو تعبت
مابقاش عندي رصيد لحياتك
إني أكمل تاني ودادي
قلبي خلاص أرتاح وكفايه
كل حكايه وليها نهايه
مابقاش فاضل شيء جوايا
يبكي عشانك
ضاع العمر معاك ف أنين
قلبي معاك والله حزين
حتى دموعي مابتشبعش نزول ع الخد
أعمل شيء ف حياتك جد
توب من ذنبك
وسيبني أعيش الباقي ف عمري
من غير جرح
نفسي ادوق أنا طعم الفرح
يمكن قلبي ف يوم يدعيلك
إني ف يوم أنا كنت أسيره
وبقيت حره أااه م الأسر

طعنت القلب

وطعنت القلب بأفعالك
إيه تاني مني هايقالك
دانا دمعي وجرحي بيحلالك
رووح وابعد عني الله يرضيك
سلمت الروح والقلب انا ليك
وشربت المر عشان أرضيك
وكلام الناس بيجرح ف القلب اللي شاريك
والرد
كان أصعب من كل كلامهم
شوفت ملامحك
باهته وبهتاتك كان باين ف حبابي عنيك
كداب لو قولت انك رديت
ردك ليهم
كات طلقة موت بالنسبالي
ياخسارة قلبي اللي رميته

أنا بين رجلك
الله يجزيك على أفعالك
قلبي الموجوع غرقان ف دموع
وانا دمعي بينزل يدعي عليك
ربي ماتنام الليل واتشوف
دمعك مالي كفك وعنيك
ويدوق قلبك من نفس الكاس
قلبك دا خلاص
ميت جواك مافهوش أحساس
بتجرح ف القلب اللي هواك
وتهينه كمان ف عيون الناس
ملعون الحب اللي بيكسر
ملعون القلب اللي ذاللني
وبيكسر فيا ويألمني
ملعون القلب وأخلصه
ملعون الحزن اللي بيشتاق
لحنان كداب
وبرغم عذابي وحيرتي معاك
بتعذب فيا ومش قادره
أنا لحظه انساك

ضاع الأمل

ضاع الأمل
وحلمي معاك دا كان أو هام
وكان إخلاصي لمشاعرك
دا ذنب كبير
وبتحمل عقاب إخلاصي وانا وياك
تعبيت كثير من الطيبه
وهبتك قلبي وغريبه
وتجرحني وبتحمل
ورغم الطعنه من إيدك
لسه روحي ويا الغدر بتكمل
أصون واخلص واكون مسند لأوجاعك
وقلبي يشوف عذاب منك وباقيه لسه أفعالك
خلاص مابقتش بهوى هواك
ضروري قلبي يوم ينساک
ماعدش القلب متحمل
لطعنة غدر من إيدك

تعبت كثير من الخذلان
شنب ف الوش بيزينك
لكن ف وقت المحن والصعب
أفعال الرجال بتبان
وانا مش شايفه غير أسمك
ف خانه مدونه بصورتك
ذكر مكتوب
لكن خالي من الأفعال
دا قالوا زمان توب الرجال غالي
ولايق زين على الخيال
يا عيب الشوم
ماشوفت غير أمل كداب
وتوبك كان من مالوش عنوان
ولا فارس ولا خيال يشد لجام
ماشفتش غير مجرد صوت
بيشبه يعني صوت بيقولوا عنه رجال
يامر الحال على الراجل
لما يكون مجرد أسم ف الخانه

إلى الشخص المفضل A

إلى الشخص المفضل A
وماشي جوه شرياني
إلي قلبي اللي بيضمه
بجبه واخاف تملي عليه
بأحساسي كأن أمه إلي روحه اللي سكناني
ومالي قلبي بحنانه إليه هو أنا عشقاه
بموت في هواك
ولو تبعد في يوم عني
عمري الباقي مش عايزاه
أنا عمري هاعيشو يومين لكن وياك
وفائدة عمري إيه بعديك
وانا روحي وقلبي معاك
مابتساوي الحياه عندي
وانا يا عمري مش وياك
يانور عيني ودقه ف قلبي تحيني
ياغيه وفيها قلبي حمام

مايعرفنيش

مايعرفنيش
عيونه خلاص
مابتورش لياليا
عيون قلبه مابتشوفنيش
كأنه لا يوم لمس شعري
ولايوم حس بمشاعري
كأني خيال
ولامرہ ف يوم شافني
وجيت ع البال
كأنه ماكان
وكل مابيننا كان أوهام
ولا كائلي في قلبه مكان
ولا قلبه سكن حضني
ولا عطشه سقيته حنان
ولا نبضي لمس قلبه
اللي كانت ميت

وفجأه حياه
كأن حروفي كات أوهام
لا وصفت فيه
ولا زرعت حنين جواه
فكان أهماله من بختي
وكان الأهتمام نذبي
فكان حزني وطن عيشاه
ماكان قلبه ف يوم إنسان
ورق وحن وندھلي
وهان دمعي
وداس على قلبي ومشاعري
خلاص روعي اللي كات عشقاه
بقت كرهاه
ياحُب وكان ف يوم أهلي
ماعدش لك في قلبي مكان

بفكر فيك

بفكر فيك
بدون ما اقصد افكر فيك
وبلقى الفرحة واخذاني
واتوه ياني في بحر عنيك
وفرحة فوق ملامحي تطير
وتجري إليك
واشوف نفسي ف أحضانك
ويهمس قلبي من شوقه
بهمس جميل
وقلبي ونبضه من نارك
بيتمنى يعيش لياليك
وحشني كثير
ما بتحملش لحظه تغيب
بتوحشني
وايديك لما تلمسني
تحسسني بحنان قلبك

وحُبك اللي مالي عنيك
بَحَبك فوق ماتتصور
يجوز حُبك يكون اكر
لكن عينك قالتلي كتير
على العشق اللي بتخبيه
ماتوحشنيش
مابتحملش لغيابك
دموعي بشوقها تخرج ليك
وحشها لمساها لإيدك
وورد الخد لما يميل ياروحي عليك
ويشرب من نداك ياجميل
وأأاه منك
معذب قلبي وبَحَبك
وقلبي كل يوم الصبح
يشتاقلك
وعز الضهر يندهلك
وأأاه منه
سواد الليل
بتتجمع ساعات الشوق
وتنهش فيه

وأاه لما ماتسمعنيش
ف لحظه بموت حبيبي واعيش
مابين إنك هاتسمعني
ولا هواك يودعني وماتلبيش
حنيني إليك
وأاه لو عدى يوم مني
وانت عني لسه بعيد
مايتحسبش من عمري
تعالى ف حضني عوضني
وخذ مني حناني اللي مدوبني
حبيبي إليك
يجوز قلبك يحس بنار عذاب قلبي
ولما تاني عني تغيب
قلبك فيك يجيب روحك هنا عندي
ياطول صبري عليك ياجميل
حُبك نار بتحرقني
ولسه قلبي عاشق ليك

هقولك إيه !!

هقولك إيه !!
وانا ف حضنك
وببكي وعيني بتضمك
ورمش العين بيلمس وردى على خدك
هقولك إيه !!
وقالبك ليا مش سامع
وانا قلبي إليك عاشق
بيحلف إنه مش قادر يكون غير ليك
تعبت كتير أوضح لك
بمووت م البعد والتفكير
بتبعد ليه وتتعبني
وحُبك ليه معذبني
وبرجع تاني وشرح لك
تقول أسباب ماتقنعنيش
ونتعاتب ونتحاسب
وكلمه تقولها بشفايفك

لخدي اللي بيتمسح في كف إيدك
واتوه ف عنيك
بكلمه تقولها من قلبك
وبرجع تاني واعشق فيك
وانسى كل أوجاعي
ودمعي اللي كان سهران ينادي عليك
بتسحرني بكلمه ونظره من عينك
وحضن جميل
يضم القلب ويا الروح
وبسمع همس تنهيدك
وبلقى قلبي بين إيدك
يطيب جرحي
يزيد فرحي
ومين غيرك قادر بس ع التغير
تعذبني وعاشقه هواك
تسهرني ودمعي ليا يبقى ونيس
ولسه القلب بيحبك
ودايب فيك
ماتتغير
بلاش تتعبني وتحير بقى التفكير

بتعشقتني وعاشق ليه تعذبني
عذابي لك بيحلالك؟؟
ياطول صبري على حالك
هاصلي الفجر وادعيلك
بظهر الغيب
تريح بالي م التفكير ف أحوالك
ولما قلبي يشتاقت لك
تكون جنبي بدون أسباب
مافيش أعذار على التأخير
حبك ليا لو كذاب
طيب ليه عليا تغير
دانا عاشقك بكل ما فيك
وحبك أواه أنا حساه
حن وزيد عليا كمان
وقرب ليا بعيونك
ماليش غيرك ياروحي بديل

وجع

وجع وصمت
ودموع بتصرخ جوه روح
مين اللي قال
لو الشفايف تبتسم
القلب خالي من الجروح

قرب أكثر

خلي عيوني بقربك ليا
تلمع أكثر
واحضن إيدي
ورد خدودي الجف ف بُعدك
راح يخضر .. بُعدك مر
قربك ليا فرحة عمر
حتة سكر

وحشتيني

وحششتيني
جارحني وجاي تقولهالي
طب اسمعها ياروحي ازاي
ودمعي ع الخدود سارح من امبارح
وكل حته من روحي
بتشكي زي صوت الناي
راجع تاني بتقولي أنا مشتاق
وليه عذبتني وياك
فضلت العمر بستناك
ونار قلبي بتترجاك
ماتبعدشي ماتهجرنيش
وماتبعشي ف لحظه هواك
لكن روحك ... ماسمعتنيش
وحبك ليا كان قشقه ف مهب الريح
ورغم القسوه من قلبك
لسه وجعي دا ذنبك

وقلبي لسه بيحبك
حاولت انساك
وابدل حزني في غيابك
لكن فرحي معاك أهو غاب
وقلبي غريب ... بيعشق فيك
مهما يشوف من التعذيب
صحيح الحب ده أعمى
مايفرقش ما بين شاري
وبين أعمى
ماشافش الدمع واللهفه
لما عني لحظه تغيب ولا بتسأل
عن القلب اللي طول الليل
بيحضن دمعته ويدبل
راجع تاني بعيونك تقولي كلام
وتسرح فيا وتدوب في أحزاني
حس بروحي في غيابك بتتعذب
وعيني كمان خاصمها النوم
وكان كل كلامها دموع
ونار وألام
ولما الشوق

يفيض بيها
حنان قلبي إليك يحرق موانئها
بلاش يا حبيبتي نتعاب
أنا راجع وكلي هموم
ما بين حزنك هافضيها ونتحاسب
وشوفي فينا
مين ظالم
ومين مظلوم
وحششتيني
خُديني بين حنان قلبك وخبيني
دانا من دنيتك محروم

حياة

ماتبصليش بعنيك كدا
أنا حاسه بيك متأكده
دي عنيك نشان
صابتلي قلبي بالسهام
حلمت اعيش عمري اللي الباقي أاه معاك
غمض عنيك ماتبصليش
لأ ولا أقولك أاه بلاش
أنا لو ماشفتش صورتني فيهم
أنا يومي عادى وراح مجاش
دي عنيك حيااه
دنيا بعيشها
فيها عمري ومنتهاه
قرب هنا .. قرب كمان
ضم اللي باقي في عمرنا
ماتقولش باقي في عمري كام
لو يوم هااعيشه مابين إيدك
بيساوي عندي ألف عام

حبني

حبي

صب كل الحب فيا
خلي قلبك كله ليا
أروى وردى اللي ف خدودي
ببتسامتك بين إيدك يحلو عودي
أحضن صورتى اللي بعيونك
أعشق الشوق اللي عاشقك
جوه قلبك
واللي بيجري جوه دمك
واللي بتخبه عيونك
نفسى أكون أنا نبض قلبك
حبنى كده قد عمرك
إلى فات واللى جاي
سجله وامضى بشفايفك
واحلفي بكل عمرك
إني عشقك للمامات

رصيدك راح

رصيدك راح
دا كان كله دموع وجراح
ومش باقي لك عندي
غير دمعه وجرح
وأأاه
ومسمح لك تحولهم رصيد تاني
ويرجعك
كفايه آلاام دبحت سنيني بأسوتك
ماشوفتش راحه من قلبك
شبعث معاك جفا وحرمان
رصيدي كله كان منك
دموع وفراق
خلاص خلصت الأعيبك
وقلبي أهو فاق
وشحن قلبي بقي فاضي
من الأشواق

وقدرت عليا

وقدرت عليا وبكتني
طب ليه قربت وحبتي
بحلم بأديك اللي سابنتي ترجع لي
أنا شوفتك وياها امبارح
وعنيك ف عنيا ومش سارح
معقوله عنيك اللي خاديتني خاينه عنيه
مشتاقه أضمك من تاني
حضنك مبتور وانت أناني
ضيعت الحب اللي ما بينا ارجع ليا
مديتك إيدي وبترجاك
ياتجيني ياتخذني معاك
لو شوفت عنيا بتترجاك
دانت اللي باقيلها من الدنيا
أنا عارفه انك مش راح راجع
دي عيونك كانت بتودع
وأيديا وهي ف حضن إيديك
كانت من شوقها بتتقطع

وهبتك عمري

وهبتك عمري وحياتي
وفضلتك علي ذاتي
زهدت كل شيء في الكون
وعشت معاك بأحاساسي
بنيت أحلامي بين إيدك
وهبتك فرحي وبزيدك
هنا وأفراح
لقيت كل اللي كان بينا
هوى ونهار
تفوت أيامي ببكيها
ماليها نهار
وقلبي اللي كان عبدك
ضعف ونهار
دموعي كات بتبكيك
كما الأنهار
عاهدتك عمري ما اسيبك

تخون العهد وتبغني ؟
وقلبي اللي كان عبدك
يعيش في دمار
عملت انا إيه
عشان قلبك يعذبني
ياويل قلبي مغلبنى
تملي بطبته يألمنى
وكل ما فيا يبكي عليا ويلومني
ياقلبي كفايه واتعلم
سنين وانت بتتألم
جراحك فيا بتعلم
وداوي الجرح
واصبر قلبي ع الأيام
ألاقي ف قلبي مليون جرح
وانت ياقلبي ماتسلم
وما بتيأس
خلاص منك ياقلبي تعبت
كفايه ياقلبي والله حرام
ح غير قلبي بأديا
واجيب للقلب ألف لجام

إنسان

(أنا الواحده اللي كلي عيوب
لكن فيا حاجات تتحب)
ساعات بألش واهب وادب
وقول كلمه تخش القلب
ساعات بتحب من كلمه
وتدخل رشق جوه القلب
ساعات بسرح
وفكري يشت
ساعات بعشق واغير جدااا
وادوس لو حد اقربك
ساعات بهرب
ساعات من حبي تتكهرب
لكن لحظة ما قلبي يحب
تشوف ف القلب جذر ومد
وعشق يغرقك جدااا
أنا ف عشقي مايشبه حد

غدارين

اللي كانوا جوه قلبي معششين

غدارين

قلبي مش هايجيب سيرتهم

نفسي أنسى حتي صوتهم

فوق وشوشهم

كات ملامح طيبين

بس بعد سنين وعشره

شفت بعيوني صورتهم

شياطين

اتخذت أيوه فيهم

كنت ضله وبس ليهم

لما شمس الدنيا تحمى

وتقفل النور عن عينيهم

غدارين

قلبي كان ورده ف إيديهم

روحي كاتت شامعه ليهم

لما كات بتضيق عليهم
يلقوا بس الحل عندي
جوه حضني
كانوا يلغو الكون براح
كل هم جوه منهم والله راح
ظني بيهم كان تملي طيبين
نفسي أحكي حاجه عنهم
قلبي رافض يفتكرهم
عيني كارهه تشوف صورتهم
كل حاجه جوه مني
عايزه تبعد ألف ميل
قد إيه الغدر قاتل
لما سلمت المشاعر
للي كانوا وف حياتي
نص دين
كانوا أهل كانوا صُحبه
كانوا جوه مني قلب
كانوا ليا كل شيء
سابوا فيا ألف جرح
مهما مرت من السنين

مش ها يشفى فيا جرح
هما لسه جوه جرحي معلمين
زي طعنه ع الجبين
مهما اداري ولا اخبي
مش هاتمحيها السنين
غدارين

أيوه خنتك

أيوه خنتك
حد تانى كان ف حضىنى
وحد غيرى كان ف حضىنك
أبقى خنتك....
أيوه خنتك...
كل إحساسك صحيح
بس مش قادره اعترف
شايفه قلبك طير جريح
والحقيقه بتقتلك
الكلام اللى بقوله... لك ساعات
مش لك لوحدك
أنت وحدك ف الحياه
أما قلبى واللى فيه...
مبقاش معاك
راح لحد يقدره ويشتريه

كنت جنبك...
كنت ملكك...
كنت ساكن قلبي وحدك
بس قلبك حبه قاسى...
ولا ناسى
جوه منك ميت سؤال؟
مره شك...
مره غيره...
حزن ديما وأفتعال
كنت بشعر بالأهانه ف السؤال
شوفت منك...
كل ألوان العذاب
مش هلومك ولا اعاتبك
ع اللى فات
عدى وقتك من حياتى
عيش لوحديك ف الحيااه
على ذكرياتى

بدأت تغير

بدأت تغير وتعشقتني
بدأ قلبك يصدقني
و حاسس إنى ملك إيديك
باشوف عشقك مغرقنى
ومالى عينيك
بشوف جواك حنان دافى
و إيدك لما تلمسنى
بتحضنى بكل مافيك
مشاعرك نار تدوبنى
يانسمايه ف عز الصيف
وضلايه
يابلسم للجروح يشفيه...
ووردايه
ياروح حساها جوايه
يانور نور ضلام الليل
وزوقها بنجمايه

ياحلم حلمته طول عمرى
وعايشه انا فيه
أنا جنبك بعيش عمرى
ودا كفايه...
ساعات قربك بتحيينى
وايه ح يفيد....
سنين عيشاها من عمرى
وانت بعيد
وعايش فيها قلبى وحيد
دانا عمرى بعيشه وبس
عشان أفضل ف حزن عينيك
ماليش غيرك حبيب تانى
ولا بعديك

أنا مش بعاندك

أنا مش بعاندك
ياللى بتبات روحى عندك
لو خدت قلبى ف مره عندك
ح تحس بيه
وهاتدي عمرى كل إالى عندك
ليه بس قلبك جواك معاندك

سكر زياده

وباعشق قهوتي ساده
ولما اسرح وافكر فيك
ألاقي القهوه بين ايدي
بقت أحلى
وسكرها بقى زياده

إثنين x واحد

شيء جديد وغريب عليه
حاجه فيكي محيراني
نص وشك
حد طيب
حد هادي
نص واخده بيه فؤادي
بنت لسه بشوكها جايه
وبحناتها مدوباني
اما النص الثاني منك
واحد جامده
ست شرسه
سيف وحمي
نوع حقيقي جديد عليه
مش لقيه أي اسم ف الأسامي
بس فيكي شيء واخدني
عايزك انتي

وف بحورك غرقيني
دوبي الحنان في حضي ودوبيني
مش هاقول اني بحبك
أو عشقتك
بس فيكي شيء شددني
شيء ناقصني
كمليني
احضني الأيام ف عمري
واحضنيني
كل ماسرح تيجي صورتك
ولقي روعي بتناديكي
ولقى فرحه جوه قلبي
وابتسامه فوق شفائفي
ولقى إيدي طرحه ورد وفل ليكي
تهدي هوك لما هاتسلم عليك
والعيون الشوق واخدها
عايزه تحضن شوقها فيكي
حاسك أنتي مكملاتي
لما اشوف نفسي ف مرايتي
بلقي نفسي أحلا بيكي

إنتِ روح مالكة كياني
كل حاجة جوه منك
شكل تاني
قوتك
ف وقت ضعفك
دمعتك

وشوقها لما تعترف بمحبتك
ياللي واخده قلبي مني
صدقيني مش بحبك
بس باردو عايز اقولك
إني عايزك بس أنتي
قلبي ما بيستغنى عنك
حاسس إن روعي فيكي
وحاجة فيكي مكملاني

مشیت خلاص

□ و دعتني
من غير وداع
ومشيت خلاص
من غير سلام
ورميت مشاعري
تحت أقدامك كمان
خليك بعيد
واصلب ف قلبي وقيدو
بجنزير حديد
عذب ف قلبي واجلده
ودوس عليه
ماانا قلبي كان
سيجاره ولعه
بين إيديك
سحبت روحها منها

وتحت قدمك كنت انا
هلكتني ..
وجرحت قلبي وسيبتي
عريت مشاعري
قصاد عنيك
أزاي أنا
وكل اللي فيا
هان عليك
دبحت قلبي بالقوي
كنت القوي
على قلب حبك بالقوي
ليه افتريت
دانا حبي كان دنيا وبيت
كنت الدوا وقت الوجع
والحزن لو قرب عليك
كنت احضنك
وافديك واكون الفرح لك
خلاص نسيت
وكسرت قلب
كان حنانه كله ليك

حرام عليك
دموعي نازله
تكوي جرحي اللي بإيديك
خليك بعيد
أنا مش هلومك
ولا هاتحايل عليك
تفضل معايا تحبني
الحب مش إجبار يامان
فاكر زمان
لما شفافي
كات بتختم
فوق إيديك
كانت عنيك بتهزني
وتقول لعيني
ع الغرام اللي بعنيك
وتدوب مشاعري بين إيديك
معقوله حبك كان كلام
كذب وخيانه وانتقام
حبك كما الطفل السفاح
حبك ف قلبي كان حرام

طب ليه رويت؟!
وردي إللي فتح بين إيديك
طب ليه مشيت؟!
وسبت ورد القلب جف
الورد من بَعْدك دبلان وهش
ماصعبش وردك ليه عليك
كان كل حبك ليا غش
قلبك خلاص
ف عيوني مات
وانا قلبي لسه النبض فيه
لكنه ميت بالحيا
لو حتى عاش

انطفيت

واختفت شمسي اللي كانت
نورها مالي كل عين
شمسي خلاص
ماعدش تاني ليها بيت
دفاها بارد
والكلام مابقاش يفيد
حتى الحروف على اللسان
متكتفين
أنا كلي خوف حسه بأنين
مابقاش يفيد حتى العتاب
صامته ياكل المشاعر
ماعدش نبضي بقلبه شاعر
قلبك القاسي الحديد
ولا مره لاان وحن لي
كنت ياما بحن لك كتير زمان
واشتاق إليك

بس العمى كان مبتلاك
مشتاقتليش؟؟
ولا جيت وزورتك ف المنام؟؟
تحن على قلبي اللي هان
وبات جعان م الأشتياق
حُبي في قلبك كان ضعيف
قلبك أناني ما حسنيش
خسرت قلبي إلی هواك
ماعدش قلبي خلاص معاك
أنا قلبي عاشقاه الدموع
سكن الوجع جوه الضلوع
بقي بيت وأهل
ضيعت قلبي بقسوتك
ضيعت قلب بيعشقتك من بين إيديك
كان ورده طارح بس ليك
ضاعت سنين من عمرنا
والفرح تااه ... ضل الطريق
والحزن ساكن آاه هنا
يا خسارة الشوق والحنان
إلي وهبته لقلب مات

قلبك خسر
وانا قلبي عايش ف الوجع
بيتعصر على عمر فات



الشاعرة فى سطور

الأسم/ نوره عبد السلام حجازي

مواليد / محافظة الغربية

تعمل بأحدى المؤسسات الحكوميه _

وتهوى الشعر العامي

بدايتها كانت من خلال قصور الثقافه

والندوات الشعرية والأدبية

أهتمت بالنشر الإلكتروني

وتم تكريمها من خلال بعض المواقع الإلكترونية

أمثال:

الاتحاد الدولي للمثقفين العرب

مؤسسة أكون للأبداع العربي

منتدى كلمات الثقافيه للشعر والأدب

شهاده شرفيه من الشيخه نوال الصباح

مجلة سفير الإلكترونيه

مجلة البيان بوست

جريدة إيجيبشيان جارديان

نادى الكريزه للإبداع

صدر لها :

حبة مشاعر (أشعار بالعامية المصرية) مؤسسة النيل والفرات

تحت الطبع :

غيابك حضور (أشعار بالعامية المصرية) مؤسسة النيل والفرات

مشاعر من نور (أشعار بالعامية المصرية)

محتوى الكتاب

2	بطاقة الكتاب
3	الإهداء
4	مشاعر ورد
5	لقيت أعدار
8	واحشنى تفاصيلنا
9	من غير وداع
12	غور بقلبك
14	اشتقتك
15	ماوحشتنيش
18	مش حاسسنى
21	رجعنى إليك
24	وحشت قلبى
25	أحضان زور
25	احتوينى
26	هنت وهان
29	ماتسبنيش
32	غصب عنى
34	غلبتنى

- 37 خدنى معاك
- 39 موجوعه بجد
- 41 استسلمت
- 44 لحظة ضعف
- 46 خلف البيبان
- 48 ما بلاش الررن
- 51 افكرنى
- 52 اتحملت
- 54 طعنت القلب
- 56 ضاع الأمل
- 58 إلى الشخص المفضل A
- 59 ما يعرفنيش
- 61 بفكر فيك
- 64 هاقولك إيه
- 67 وجع
- 67 قرب أكثر
- 68 وحشتيني
- 71 حياه
- 72 حبنى
- 73 رصيدك راح

74	وقدرت عليا
75	وهبتك عمرى
77	انسان
78	غدارين
81	أيوه خنتك
83	بدأت تتغير
85	أنا مش بعاندك
85	سكر زيادة
86	اتنين X واحد
89	مشيت خلاص
93	انطفيت
96	الشاعرة فى سطور
97	محتوى الكتاب

تم بحمد الله
مع تقديري واحترامى لكم
الشاعرة
نور حجازى